

دائرة مخصوصه

در سعادتده باب عالی جوارارنده

محل اداره :

مشرق افق

اخطار :

مسلكمزه موافق آثار جديده مع المنوئيه قبول اولنور

درج ابدلته بن آثار اعاده اولنور

دينه، فلسفه، علوم، حقوق، ادبيات، سياست، و باطلاح كرك سياسى و كرك اجتماعى و مدنى احوال و مشوره اسلاميه و به بحث ايد و هفته ده بر نشر از انور.

آبونه بدلى

سنه لکى

التى آيلنى

ممالك عثمانيه	ايچون	۶۵	۳۵	غروش
روسيه	»	۶۵	۳۵	روبله
سائر ممالك اجنبيه	»	۱۷	۹	فرانق

صاحب و مؤسلى :

ابوالعلا زين العابدين - ح . اشرف اديب

تاريخ تأسيسى

۱۰ تموز ۳۲۴

در سعادتده نسخه سى ۵۰ پاره در

قبرله دن مقوا بورو ايله كوندريلىر سه سنوى
۲۰ غروش فضله آلنير

در دنجى جلد

۲۷ جمادى الاخر ۳۲۸ پنجشنبه ۲۴ حزينان ۳۲۶

عدد : ۹۶

محکمه وردانینک دکل، مصرک اعدامنه حکم ایتش اولدی. مصرک کردنه ای طاقوب میدان سیاسته، دار اغاجنه سور و کله مکه قالدیشدی. لکن مصر بوکا راضی اوله جقمی؟ کندی الیه اتحار ایده جقمی؟ ایشته بو سؤالک جوانی وردانینک مدافعه سنه تعیین اولونان وکلای دعاویدن محمود بک ویریور. مصرک بوکا لاقید قالمیه جقمی ال مؤثر بر لسان وضوحه آکلاتیور! هیئت نظار رئیس متوفی بطرس پاشا غالی نك مصر حقنده کی اجرا آت اضمحلال آورینی تعداد ایدیور. محمود بکک نطق وردانی مدافعه دکل، مصر حکومتک آردنده کیزلش اولان چهره استیلایه قارشى مصر نامه ارساله سنه بر اولتیا نومدر. مصرده برزله انقلابک باشلامق اوزره بولندیغی اخباردر. هله:

«دیکلیکیز! حیتکیز وارسه نی دیکلیکیز!» خطابی بر سوز دکل عادتا بر آلو...!

یارب! پای استیلاسی التنده ایکه مکده اولدینی بر خصم قهارینه قارشى نه بویوک یوره! نه عالی قلب! نه طوفان حیت! نه شیرانه حماسه! آه...! انسانلر مات محبتده، وطن سوداسنده هپ بویله برر قهرمان شیردل اولسه...!

هپ بویله استحقاق حیات، استحقاق موت، سودای معالی، امتناع ذلت و مسکنت، علو وجدان کی هر بری انسانیتک مدار مفتخرتی اولان فضائل مدنیله ایله منصف اولسه...!

بز او مدافعه نی اوقور کن هانف غیبندن ایشته انسان بویله اولور. مردلک، قهرمانلق بوکا دیرلر! «کلمات تقدیریه سنی ایشیدیور، قلبمزک بر طوفان حیات ایچنده چیرنمده اولدیغی کوریوردک».

اوسطرلر اوزرنده اوقدر دالمش کتمشدک، که صانکه محکمه ده موجود بولونیوردق. صانکه اوبارقلر صاچان، ییلدیریملر یاغدیران آغزه حیران حیران باقبوردق!

هله محمود بکک متوفی بطرس پاشانک سانسور اصولی وضعله حریت مطبوعاتی بو غمق کی یکرمنجی عصر مدنیتده دینسزلرک بیله تحمل ایده بیله جکی بر ظلمی بیان صره سنده، ژول سیمونک:

«سریستی مطبوعات، شرائط مبرمه حیاتیته دن بریدر»

قول حکیمانه سنی محکمه هیئته قارشى فیلاتوب آتمسی نری غشی ایتدی.

مصر بزم مقدس وطنمزددر. مصر لیلر بزم دین قارده شلریمز،

وطن داشلریمزددر. انلرک فلاکتی عینیه بزم فلاکتیمزددر. باخصوص

مصرک کعبه اسلامی، روضه مطهره جناب سیدالانامی دشمن

استیلا سندن محافظه خصوص سنده کی اهمیت موقعیه سنی سویلرسهک بو

مبارک قطعه یه مسلط اولان اللرک یا بمقده اولدقلری فداقلدن نقدر شکایتیه

حقلی اولدیغیمز بر قاندها تظاهر ایدر. اوروپالیلر بزم ایچمزدده کی عناصر

غیر مسلمه نی حمایه بهانه سیله باشمزه دنیانک بلالرینی یاغدیریورلر.

ایشته کرید روملری کی انسانیتک استکراه ایده جکی، مدنیتک لعنت

خوان اوله جقمی جانوارلری شیارتیه شیارتیه تبه مزه چیقاردیلر. بویله

ازمنه قبل اتاریخیه وحشیلرینه رحمت اوقوتان انسان قیافتلی حیوانات

مفترسه نك هزار زولرینه بکی!... هر امللرینه اوت...! اجابتلریله مقابله ایدیورلر. درتیوز میاونلق قوجه عالم اسلامک حقوق مقدسه دینه و حیاتیته سنی چوجق او یونجاغنه چویردیلر! فقط اوروپالیلر هیچ دوشونمورلر، که بو حقارتلر عالم اسلامک جکرلرینی دلدی. قلبلرینی پارچه لدی! هله کریده کی تحکملری زهرلی بر خنجر اولدی؛ روحنه صاپلانندی. اونلر بیلرلر، که درت یوز ملیون اسلامک مقدس بر سنجاخی واردر. اونلر بیلرلر، که او مقدس لواء الحمد اسلام بر کره میدان چیقارسه درت یوز ملیون اسلامک تاصوک فردینه قدر دیرکی دینده جان ویرمدکجه او سنجاخی مغلوب اولمز. اوروپا زره لیلرینه کوه نیورسه ایشته بوکا کولرز! چونکه او زره لیلر ساحلده بر قاچ قصبه نی یا قابیلر. فقط داخلده...! داخلده...!



کرید و روسیه مسلمانلری

ماهیطره مانده منشر (ایرل) هریده اسرمه سی کرید مسلمانلر

بختک بریورک:

«اسکی دنبری دولت عثمانیه بی ازعاج ایدن مسائلدن بریده کرید مسئله سیدر. کرید خرسیتیانلری عثمانی حکمندن چیقهرق یونانه التحاق ایتک امللرینه شیمدی یه قدر موفق اوله مدیلر. فقط ارناودلک بر قسمنده ظهور ایدن اغتشاش اوزرینه آرزولرینی یا بق ایچون کندیلرنده قوت بولدیله، جدی حرکتیه باشلادیلر. فکرلرینه او ایمان مسلمانلری جبر و تضييقه قالدیشیلر».

کریدک بعض شهرلرنده بویقوتلر اعلان ایتدیله. برروم بویقوته مخالف مسلمانلر آلیش و بریش ایده جک اولورسه جزایه اوغرایه جقمی سویلدیلر. هپ بونلر مسلمانلر آج قالسونده هجرت ایتسون فکرلریله یاپیلوردی. نهایت ملی مجلسلرنده خرسیتیان مبعوثلر یونان قرالی نامنه اطاعت یمینی اجرا ایتدیله. مسلمان مبعوثلر ده یمین ایتدیرمک ایستدیله سده مسلمانلر اصلا قبول ایتدیله.

فقط بوکا قارشى خرسیتیان مبعوثلر مسلمانلری مذاکره یه اشتراکدن محروم براقدیله. کرید خرسیتیانلرینک بوقدر انصافسز و حقسز حرکتلری عثمانی افکار عمومیه سنی بحق غلبانه کتیردی. ممالک عثمانیه نك بیوک شهرلرنده متینفلر یاپیله رق پروتستولر اجرا ایدلر دولت عثمانیه ده بو حاله رضا کوسترمبوب دول حامیه یه نوظهر ویردی. دول حامیه جوابلرنده دولت عثمانیه نك کریده کی

حقوقی حمایه ایده جکلرینی بیلدیردیله. صوک تلغرافلر یونان رجال سیاستنک کرید ایشلرینی صوک درجه دقتله تعقیب ایتدکلرینی کوستریور. نیم رسمی غرتلر کرید سیاسیلرینی دولت عثمانیه نك حقوقی اخلاص تشویق ایدیور. دول حامیه یه الحاق وصایا سنده بولنیور. یونان سیاسیلرینک بوفکرلرینه سبب دولت عثمانیه نك یونانه قارشى اعلان حرب ایتک ایسته سی و بویله حرب ظهورنده حال اغتشاشده بولنان برقم ارناودلرک قرداشلریله برلکده محاربه یه قوشه.

جقلری حقنده کی بیاننامه لری اولسه کرک. هر نه ایسه مسئله ده اصل جالب دقت اولان جهت کرید خرسیتیانلرینک شو اجرا آتلرندن بیکده برینی مسلمانلر یامیش اولسه دول حامیه نك درحال قطعی قرارلر اتخاذیله خرسیتیانلری حمایه ده کیجیکمیه جکلری نقطه سیدر».

«مطبعة خیریه» و شرکاسی مدیر مسئول: اشرف ارباب